



Pou Piblikasyon Imedya: 14/12/2022

GOUVÈNÈ KATHY HOCHUL

GOUVÈNÈ HOCHUL ANONSE 23 MILYON DOLA SIBVANSYON AK PRIM POU INISYATIV ELEKTRIFIKASYON TRANSPÒ

Gen 8 milyon dola ki disponib pou enstale rechaj rapid nan Buffalo, Rochester ak Syracuse, ki enkli kominote defavorize yo

Yo te anonse 7 milyon dola prim pou ChargePoint ak EVGateway pou amelyore aksè nan rejon Nò Eta New York

Gen 8 milyon dola ki disponib pou Pwogram Koupon Motivasyon pou Kamyon New York la pou sipòte bis lekòl elektrik ak bis transpò adapte yo

Sipòte objektif Lwa sou Lidèchip Klima ak Pwoteksyon Kominotè a pou diminye emisyon gaz efè sè yo jiska 85 poustan disi 2050

Gouvènè Kathy Hochul te anonse 23 milyon dola finansman ak prim pou inisyativ elektrifikasyon transpò yo nan Eta New York. Anons jodi a genyen ladan I 8 milyon dola ke yo rann disponib pou trazyèm faz pwogram Rechaj Rapid Aktyèl Dirèk la pou enstale enfrastrikti machin elektrik nan Buffalo, Rochester, ak Syracuse, ki enkli kominote ki defavorize yo; 7 milyon dola prim pou ChargePoint ak EVGateway pou amelyore aksè nan rejon nò eta New York nan Faz En ak De pwogram Rechaj Rapid Aktyèl Dirèk la; ak 8 milyon dola ke yo rann disponib pou bis lekòl elektrik ak bis transpò ki adapte nan Pwogram Koupon Motivasyon pou Kamyon New York la. Inisyativ sa yo sipòte objektif Lwa eta a sou Lidèchip Klimatik ak Pwoteksyon Kominotè (Climate Leadership and Community Protection Act, CLCPA) ki se lidè nan peyi a, pou diminye emisyon gaz a efè sè yo a 85 poustan disi 2050 epi pou omwen 35 poustan, avèk yon objektif 40 poustan, nan avantaj envestisman enèji pwòp yo ale nan kominote defavorize yo.

"Diminye polisyon lè atravè eta a pa sèlman krisyal pou amelyore sante kominote nou yo, men li prezante tou yon opòtinite ki pasyonan pou envesti nan opsyon transpò pwòp yo," **Gouvènè Hochul te deklare.** "Lè nou mete bis elektrik sou wout la epi enstale chajè rapid nan zòn ki defavorize yo, nou ka bay Nouyòkè yo aksè nan transpò dirab dènye kri. Sa pa sèlman avanse ekite ak dirabilite, men li fikse tou etap pou yon avni ki pi briyan, pi pwòp pou tout moun."

Doreen M. Harris, Prezidan ak Direktè Egzekitif Jeneral NYSERDA, te deklare,
"Nou fyè pou travay ak patnè nou yo ChargePoint ak EVGateway pou pote chajè veyikil elektrik nan rejon nò eta New York epi plase teknoloji ak enfrastrikti dènye kri nan fason ki estratejik nan kote ki gen mwens deplwaman chajè rapid yo jiska prezan. Veyikil elektrik yo, ki enkli bis elektrik yo ede manm kominote yo ak timoun yo gen aksè fasil nan transpò ki pwòp nan kad woutin yo pou ale travay, lekòl oswa pou fè lòt kous ki esansyèl yo."

Pwogram Rechaj Rapid Aktyèl Dirèk (Direct Current Fast Charger, DCFC) la ke Otorite Devlopman ak Rechèch Enèji Eta New York la (New York State Energy Research and Development Authority, NYSERDA) administre, chèche pwopozisyon de devlopè ak instalatè veyikil elektrik yo (electric vehicle, EV) ki gen yon minimòm de lane eksperyans ak omwen 10 chajè rapid oswa 200 chajè Nivo 2 nan operasyon. Daprè apèl dòf sa, y ap konsidere pwopozisyon ki ta devlope de oswa plis sit rechaj rapid, ak omwen mwatye nan tout estasyon yo ki sitiye nan zòn ki defavorize yo. Chak sit dwe kapab chaje omwen kat veyikil epi genyen yon kapasite total sit la ki se 600 kilowat oswa plis. Anplis, chak sit dwe sitiye nan distans 19 kilomèt ak sant vil Buffalo, Rochester, oswa Syracuse, epi chak pwopozisyon yo dwe genyen omwen yon sit ki sitiye nan limit vil yo.

NYSERDA ap aksepte [aplikasyon](#) devlopè ak instalatè EV ki kalifye pou faz twa pwogram nan jiska 28 fevriye 2023, epi yon komite klasman ap evalye tout pwopozisyon yo sou baz kritè ki pibliye a. Yo ankouraje rechaj Veyikil Elektrik Nivo 2 ki ko-sitiye oswa distribye resous enèji nan kad plan an.

Pou plis enfòmasyon, y ap òganize yon [webinè](#) nan dat 20 oktòb 2022 a 2:00 pm ET.

Yo te anonse tou jodi a de prim ki soti nan finansman yo te ofri nan de premye faz pwogram nan ke yo te bay pou amelyore aksè nan rechaj rapid nan lòt zòn nan rejon nò Eta New York. Sibvansyon yo se:

- **ChargePoint, 7 milyon dola** - Ke yo te bay nan Faz En ak Faz De, ChargePoint ap enstale estasyon rechaj rapid nan kat kote nan chak rejon Konsèy Developman Ekonomik Rejyonal (Regional Economic Development Council) nan New York Santral, North Country, Finger Lakes, Lwès New York, ak Mohawk Valley. Chak sit ap genyen kat plòg rechaj rapid DC pou chofè Veyikil Elektrik yo ak 25 poustan (5 sou 20) ki sitiye nan yon kominote ki defavorize
- **EV Gateway, 750,000 dola** - Ke yo te bay nan Faz De a, EVGateway ap enstale estasyon rechaj rapid nan twa kote nan zòn Konsèy Developman Ekonomik Rejyonal Southern Tier. Chak sit ap genyen kat plòg rechaj rapid DC ak de plòg Nivo 2 pou chofè Veyikil Elektrik yo ak 66 poustan (2 sou 3) ki sitiye nan yon kominote ki defavorize

Epi jodi a, nan kad pwogram [Pwogram Koupon Motivasyon pou Kamyon New York la \(New York Truck Voucher Incentive Program, NYTVIP\)](#), yo te mete 6 milyon dola disponib pou moun k ap achte nouvo bis, zewo emisyon, tout elektrik yo, ak yon lòt 2

milyon dola ki disponib pou achte veyikil elektrik transpò adapte k ap bay sèvis sipò kominotè. Pwogram nan ka kouvri jiska 100 poustan ogmantasyon depans veyikil la ak kondisyon ke bis sa yo estoke nan depo bis yo oswa fonksyone nan wout ki sitiye a yon kilomèt de yon [kominote ki defavorize](#).

Finansman pou Pwogram Rechaj Rapid Aktyèl Dirèk la ak Pwogram Koupon Motivasyon pou Kamyon New York la alafwa fè pati pòsyon 127.7 milyon dola fon federal Dedomajman Volkswagen Eta New York ke Depatman Konsèvasyon Anviwònmantal (Department of Environmental Conservation, DEC) Eta New York la administre. Finansman adisyonèl pou Pwogram DCFC a soti nan pwodui ozanchè RGGI yo. Pwogram DCFC a bay jiska 80 poustan nan depans pou konstui estasyon rechaj ki disponib piblikman pou veyikil elektrik yo, li pa itilize finansman ki soti nan Pwogram Enfrastrikti Veyikil Elektrik Nasyonal la (National Electric Vehicle Infrastructure, NEVI) kidonk li pa soumèt ak règleman pwogram NEVI program yo.

Komisè Depatman pou Konsèvasyon Anviwònman an, Basil Seggos, te deklare, "Pou diminye emisyon yo epi reyalize objektif klimatik New York yo ki se lidè nan peyi a, Eta nou an ap bay sipò ki enpòtan pou ranfòse itilizasyon veyikil elektrik. Mwen bat bravo pou Gouvènè Hochul pou envestisman enpòtan sa yo pou ede plis kominote nan rejon nò eta a ogmante mache veyikil elektrik la, rann Veyikil Elektrik aksesib pou plis Nouyòkè, epi ede libre benefis sante, anviwònmantal, ak ekonomik pou yon tranzisyon nan transpò ki pwòp."

Prezidan ak Direktè Egzekitif Jeneral Pwovizwa NYPA a, Justin E. Driscoll, te deklare, "Eta New York te angaje pou l yon lidè nan enfrastrikti veyikil elektrik pou avanse nan tranzisyon vè yon sistèm transpò ki pi pwòp, pi vè. Anons jodi a mete aksan sou yon efò kolaborasyon, ki dirije pa Gouvènè Hochul, k ap bay plis ensitatif toujou pou amelyore aksè nan rechaj nan vil nan rejon nò eta yo, ki enkli kominote ki defavorize yo, epi ankouraje plis itilizasyon veyikil elektrik pou bis transpò. EVolve NY, Otorite Enèji New York la (New York Power Authority), ap trase wout pou pwopaje elektrifikasyon ak dirabilite."

Komisè Depatman Transpò (Department of Transportation, DOT) Eta a, Marie Therese Dominguez te deklare, "Lè nou travay nan kolaborasyon ak anpil patnè atravè Eta a pou atenn objektif Lwa sou Lidèchip Klima ak Pwoteksyon Kominotè a, Depatman Transpò a jwe yon wòl kle nan ede New York atenn objektif enèji pwòp ak klima ki se lidè nan peyi a. Anons jodi a pou aksè nan rechaj elektrik pou kominote ki defavorize yo nan Rejyon Nò Eta New York yo reflete angajman Eta a vè yon New York ki pi pwòp, pi vèt k ap bay motivasyon pou sipòte bis lekòl elektrik ak bis transpò ki adapte. Revolisyon vè a rive sou nou, epi avèk sipò inebranlab Gouvènè Hochul, New York ap kontinye trase wout la."

Senatè Eta Tim Kennedy te deklare, "Pou sipòte objektif klimatik anbisye nou an ki souliyen nan CLCPA a konplètman, li enperativ pou nou envesti nan enfrastrikti vè ki dirab ak inisyativ elektrifikasyon atravè Eta New York. Anons jodi a ap kreye plis aksè nan enèji pwòp epi kontinye motive tranzisyon vè veyikil zewo emisyon nan tout eta a."

Manm Asanble William Magnarelli te deklare, "Mwen akeyi anons sa de NYSERDA. Pi gwo baryè kont elektrifikasiyon transpò a se mank enfrastrikti. Pifò moun p ap konsidere yon Veyikil Elektrik serezman jiskaske yo ka chaje li nan fason fyab. Pwojè ki anonse jodi a yo se yon etap enpòtan nan efò sa."

Manm Asanble Patricia Fahy te deklare, "Elektrifye sektè transpò New York la — ki konte pou yon tyè nan tout emisyon gaz efè sèr nan eta a — se yon eleman ki nesesè nan estrateji nou pou atenn manda klimatik ki tabli nan Lwa sou Lidèchip Klimatik ak Pwoteksyon Kominotè a. Envestisman jodi a favorize angajman Eta New York pou devlope enfrastrikti veyikil elektrik nan Rejyon Nò Eta a, k ap diminye nivo anksyete, epi bay priyorate ki amelyore nan aksè pou posede veyikil elektrik pou Nouyòkè yo. Elektrifye plis nan bis lekòl nou yo lè nou itilize fon federal Dedomajman Volkswagen lan an pati ap amelyore sante elèv nou yo atravè eta a sou wout yo pou ale epi sot lekòl. Mèsi Gouvènè Hochul dèské ou kontinye konstui enfrastrikti pou veyikil elektrik New York epi bay elektrifikasiyon sektè transpò nou an priyorate".

Prezidan ak Direktè Egzekitif ChargePoint Ian Pasquale Romano te deklare, "Objektif pou diminye emisyon New York yo fè pati objektif ki pi anbisye nan peyi a, epi Gouvènè Hochul te byen rekonèt ke veyikil elektrik yo dwe fè pati solisyon an. Kounye a, nou dwe travay ansanm pou asire ke chak kominote ak koridò deplasman — espesyalman sila yo ki nan zòn defavorize yo — gen aksè nan rechaj Nou remèsye Gouvènè Hochul ak NYSERDA pou efò yo pou devlope rechaj veyikil elektrik atravè Empire State epi mwen pa ka tann pou travay ak NYSERDA ak kominote New York Santral, North Country, Finger Lakes, Lwès New York, ak Mohawk Valley yo sou pwojè pasyonan sa."

Vis Prezidan Afè Kòporativ EVGateway, Divina Anzures te deklare, "EVGateway kontan pou fè patenarya ak NYSERDA pou amelyore enfrastrikti Rechaj EV nan eta New York, espesyalman nan zòn k ap sèvi kominote ki devavorize yo. Nou pa ka tann pou ede fasone Koridò Rechaj Rapid DC eta a."

Envestisman 1 milya dola Eta New York nan elektrifye sektè transpò li a enpòtan anpil pou satisfè plan klimatik ak enèji pwòp global Eta New York la. Eta a, anba lidèchip Gouvènè Hochul, ap fè avanse rapidman mezi pou tout nouvo machin pasaje yo ak kamyon yo vann yo gen zewo emisyon disi 2035, ansanm ak tout otobis lekòl yo dwe zewo emisyon menm ane a. Diminye emisyon kabòn ak polisyon nan veyikil yo kreye lè pi pwòp ak kominote ki pi an sante, patikilyèman nan zòn defavorize yo. Yon seri inisyativ ogmante aksè nan veyikil elektrik epi amelyore transpò publik pwòp pou tout Nouyòkè ki enkli EV Make Ready (Prepare Veyikil Elektrik), EVolve NY, Drive Clean Rebate (Rabè pou Kondui yon Fason Ekolojik), Pwogram Koupon Motivasyon pou Kamyon New York la (New York Truck Voucher Incentive Program, NYTVIP), Charge NY (Rechaje NY) ak finansman federal nan kad Pwogram NEVI a. Pwogram sa yo fèt pou gen 850,000 veyikil zewo emisyon sou wout la vè 2025 epi devlope enfrastrikti rechaj veyikil elektrik.

Plan Klimatik Nasyonal Eta New York

Ajanda nasyonal sou klima Eta New York la se inisyativ sou klima ak enèji pwòp ki pi agresif nan peyi a, ki mande yon tranzisyon òdone epi ki ekitab nan enèji pwòp ki kreye travay epi ki kontinye ankouraje yon ekonomi ekologik pandan Eta New York ap retabli anba pandemi COVID-19 la. Enskri nan lwa atravè Lwa sou Lidèchip Klimatik ak Pwoteksyon Kominotè a, New York sou yon chemen pou reyalize objektif mandate li a nan yon sektè elektrisite zewo emisyon rive 2040, ki gen ladan 70 pousan jenerasyon enèji renouvlab rive 2030, ak pou atenn netralite kabòn nan tout ekonomi an. Li chita sou envestisman san presedan New York pou devlope enèji pwòp yo, ki enkli plis pase 35 milya dola nan 120 pwojè enèji renouvlab ak transmision ki fèt sou gran echèl nan eta a, 6.8 milya dola pou redui emisyon batiman yo, 1.8 milya pou devlope enèji solè, plis pase 1 milya dola pou inisyativ transpò pwòp ak plis pase 1.6 milya dola nan angajman NY Green Bank yo. Ansanm, envestisman sa yo ap sipòte plis pase 165,000 travay nan sektè enèji pwòp la nan New York an 2020, yon kwasans 2,100 pousan nan sektè enèji solè a ki distribiye depi 2011 ak yon angajman pou devlope 9,000 megawat enèji ewolyèn bò kot disi 2035. Selon Lwa sou Klima a, New York pral apiye sou pwogrè sa a epi diminye emisyon gaz efè sè yo pou 85 pousan pa rapò ak nivo 1990 yo lè nou rive nan 2050 pandan y ap asire ke omwen 35 pousan avèk yon objektif 40 pousan nan avantaj ki genyen nan envestisman nan enèji pwòp pou benefisyé kominate defavorize yo epi fè pwogrè avanse nan direksyon sib efikasite enèji eta a pou lane 2025 la pou diminye konsomasyon enèji sou sit la pou 185 mil milya BTU (inite tèmik britanik) nan ekonomi enèji itilizasyon final.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418